



Inatsisartunut ilaasortaq Jens Immanuelson, Siumut **INDGÅET**  
-/MAANI

17 FEB. 2014

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Sinerissap qanittuani qalerallinniarissamat akuersissutinut tunngatillugu § 37-029-2014-imut akissut.**

13. februar 2014  
Suliap normua 2014-095688  
All. Nr. 1477234

Inatsisartut Suleriaasianni § 37, imm. 1 naapertorlugu sinerissap qanittuani qalerallinniarissamat akuersissutit pillugit apeqquaqarputit. Apeqquq uannut akisassanngortinneqarsimavoq.

Postboks 269  
3900 Nuuk  
Oqarasuaat (+299) 34 50 00  
Allak. (+299) 34 63 55  
E-mail: apnn@nanoq.gl  
www.naalakkersuisut.gl

**Apeqquq 1**

*"Sinerissamat qanittumut qalerallinniarnermut akuersissutinik 2012-miilli piiaaffigineqarsimasut unioqqutitsinikkut akuersissutit pigisatik annaasimavaat?"*

**Apeqquq 1-imut akissut**

Inuussutissarsiutigalugu qalerallinniarissamat akuersissutinik tunniussinissamat piimasaqaatit arlalitsigut allanngortinneqarsimapput. Aalisarsinnaanermut akuersissutit pisassiissutillu pillugit nalunaarummi nr. 1, 2. februar 2012-meersumi aalajangersakkat nutaat tamatumunnga pissutaapput. Inuussutissarsiutigalugu qalerallinniarissamat akuersissutit ilaatigut tunniunneqassapput piimasaqaatit ataani pineqartut naammassineqarsimappata:

1. Qinnuteqartoq ukiup siuliani akuersissummik assingusumik tunineqarsimassaaq.
2. Qinnuteqartullu akuersissut atorsimassallugu.

Piimasaqaammut kingullermut tunngatillugu Ombudsmandip qalerallinniarissamat akuersissutinik tunniussisimanermik naammagittaalliuuteqartoqarnerata nassataanik naalakkersuisoqarfiup sullissisimaneranik misissuinermit atatillugu oqaatigaa:

"§ 4, imm. 2-mi aalajangersakkakkut taamaallaat kalaallit piujuartitsinissamik tunngaveqarlutik aalisarissaat qulakkeerneqassanngilaq. Taamaattoq aalajangersakkakkut qinnuteqaateqartup inuussutissarsiornissamat periarfissaanut toqqaannartumik akuliuttoqarpoq, aalajangersakkammi pissusiviusutigut qalerallinniarnermik suliaqarnissaaq ajornarsisimmagu, tassa ukiumi siuliani qalerallinnarsimangikkaanni. Taamaammat nalunaarut nr. 1, 2. februar 2012-meersumi § 4, imm. 2-mi aalajangersagaq aalisarneq pillugu inatsimmi § 10-kkut siunertaasut avataanniippoq.

Taamaammat qularnartoqartippara aalisarneq pillugu inatsimmi § 10 tunngaviliisinaanersoq<sup>1</sup>. Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaanni nr. 1, 2. februar 2012-meersumi § 4, imm. 2-mi aalajangersakkanut tunngasoq."

<sup>1</sup> "Tassani innersuussutigimmagu "innuttaasut inuussutissarsiutigut periarfissaannut akuliun-nermi killilersuinermiluunniit inatsisitigut piimasaqaatit sukaterneqarnerat"

Tassa aqutsinermi inatsisinik unioqutitsisoqarsimanersoq Ombudsmandip oqaatiginnaanngilaa. Tassunga ilassutitut paasissutissiissutigineqassaaq, Ombudsmandip oqaaseqaataanik nalilersuineq, tassunga ilanngullugu Aalisarsinnaanermut akuersissutit pisassiissutillu pillugit nalunaarutip nr. 1, 2. februar 2012-imeersup allanngortinneqarnissaanik pisariaqartitsineq naalakkersuisoqarfimmit suliarineqarmat.

## **Apeqquut 2**

*"Akuersissutininik pigisaminnik pissarsinissaanut qanoq periarfissinneqarniarpat?"*

### **Apeqquut 2-mut akissut.**

Aalisarsinnaanermut akuersissutit pisassiissutillu pillugit nalunaarut nr. 1, 2. februar 2012-imeersoq allanngortinneqassappat, aalisartut malittarisassat atuuttuut aallaavigalugit itigartinneqarsimasut akuersissutininik nutaanik pissarsinissamut qinnuteqarnissamut periarfissaqalissapput.

Inussiarnersumik inuulluaqqusilluta

Finn Karlsen